

# ВЫНСЬӨДӨМА

Коми Республикаса Веськөдлан котырлөн  
2020 во лөддза-номъя төлысь 15 лунся 304 №-а шуөмөн  
(13 №-а содтөд)

## “Лымва” республика төдчанлуна канму вөр-ва заказник йылысь **ПОЛОЖЕНИЕ**

### 1. Панас

“Лымва” республика төдчанлуна канму вөр-ва заказник (водзö – заказник) артмөдöма “Республикаса төдчанлуна заказникъяс да вөр-ва памятникъяс йылысь положенияяс вынсьөдөм да выль заказникъяс артмөдөм йылысь” Коми Республикаса Министръяс Сöветлөн 1993 во рака төлысь 1 лунся 110 №-а шуөмөн.

Заказник лоö республика төдчанлуна торйөн ёна видзан вөр-ва мутасөн (водзö – ООПТ) да сёлөн эм комплекснöй (ландшафтнöй) нырвизь.

ООПТ-лөн тыр ним: “Лымва” республика төдчанлуна канму вөр-ва заказник.

ООПТ-лөн дженьыд ним: “Лымва” заказник.

Заказниксö артмөдöма вына кадколаст урчиттөг да заказниклөн мудорьясын меститчясь му участокьяссö вöдитчясьяслясь, кутясьяслясь да кийн кутясьяслясь босьттөг.

Заказник котыртан да сійöс уджөдан юкөннын канмусянь веськөдлөмыс, заказник видзан да сёлөн вöдитчан юкөннын канму дөзьöрыс збыльмөдсьö Коми Республикаса Веськөдлан котырлөн уполномочитөм Коми Республикаса олөмө пöртысь власьт органөн да (либö) сёлөн ведомствоувса канму учреждениеөн, кодлы сетöма лөсялана уджмогьяссö (водзö – заказникөн веськөдлясь орган).

### 2. Заказник артмөдан медшөр могьяс да сёлөн могьяс

2.1. Заказниксö артмөдöма сы могясь, медым видзны шөр пармалөн зонаулын юясдорса тшöкыда паныдасьяслясь ландшафтъяссö, видзны Лымва юлясь гидрологическöй режимсö, кöнi олö да рöдмö биологическöй ва озырлунлөн (атлантическöй чимилөн (*Salmo salar*), кебöслөн (*Coregonus lavaretus pidschian*), европаса хариуслөн (*Thymallus thymallus*) да мукөдлөн)

дона сикасьяс.

2.2. Заказниклөн шөр могъяс:

видзны экологическөй өтвесьталунсö;

видзны ландшафтнöй да биологическөй унапöлöслунсö, сы лыдын быдмөгъяслысь да пемöсьяслысь шоча паныдасьлысь сикасьяслысь быдманінъяссö да оланінъяссö;

туявны вөр-ва комплексъясын ывлавывса процессъяссö да видзöдны экосистемаяслөн серпас вежсьöм бöрся.

### 3. Заказниклөн меститчанін да площадь

3.1. Заказник меститчö “Кöрткерöс” муниципальнöй района муниципальнöй юкөнлөн мутасын Одыб сиктсаянь 2 км асыв-лунвылын, Шойнатыса лесничестволөн Пöддельнöйса участковöй лесничестволөн 5-12 кварталъяслөн да Шойнатыса лесничестволөн Одыбса участковöй лесничестволөн 58-61, 75-80, 88-90, 98-100, 107-110, 118-121, 126, 127 кварталъяслөн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын \*.

3.2. Заказник мутаслөн площадьюс лоö 12680 га.

---

\* Оз йöзöдсъя.

### 4. Заказниклөн мудоръяс

4.1. Заказниклөн мудорыс мунö условнöй визьтi, мый мунö Лымва юлөн кыкнан берег пöлөн берег визьсянь 1 км ылнаын, ю вомсянь “Кöрткерöс” МР МЮ мудорöдз.

4.2. Заказниклысь мудоръяссö петкöдлöма карта-схема вылын тайö Положение дорö 2 содтöдын \*.

---

\* Оз йöзöдсъя.

5. Заказниклөн мудоръясын меститчысь  
видзан вөр-ва комплексъяс да налөн компонентъяс

Заказниклөн видзан вөр-ва комплексыс - тайö Лымва ю да сылөн кыкнан берег пöлөн öти километр пасьта визьясөн вөр.

Лымва ю лоö Ньывсер юлөн (Эжва юлөн веськыд вожлөн) шуйга вожөн. Кузьтаыс матö 105 км. Пырö ичöt юяс лыдö. Юыс кытшлöдлö, но мукöддырйи ю сёртасыс 1 км кузьта визувтö веськыда. Шөр донизьяс, кытi визувтö юыс - лыа чирья из да лыа сора сей. Мукöддырйи петöны важысянь артмöm донизьяс (косьяс вылын), мый артмöны топыд сьöкыд сейысь. Лымва юын да сылөн берег дорын быдмöны сирпинь турунлөн, урбöжлөн, эжөрлөн, мольыд лапкорлөн (*Petasites radiatus*) уна сикас.

Лымва юын паныдасьлö татшöm сикас чери: атлантической чими (*Salmo salar*), кебöс (*Coregonus lavaretus pidschian*), европаса хариус (*Thymallus thymallus*), обыкновенной сир (*Esox lucius*), сын (*leuciscus idus*), налим (*Lota lota*). Ва визув вылö, мый пырö ичöt юяс лыдö, мукöд ва визувкöд öткодьялöm серти танi паныдасьлö уна сикас. Ихтиофауналысь сюрöссö петкöдлöма карп ногаясөн (обыкновенной кельчи (*Rutilus rutilus*), сын (*leuciscus idus*), зарни рöма гыч (*Carassius carassius*), мык (*Leuciscus rutilus*), обыкновенной ар ёс (*Phoxinus phoxinus*), уска катан ар (*Barbatulus barbatulus*) да обыкновенной гурина (*Gobio gobio*). Сёртаслөн вылыс да шөр визулын медуна паныдасьлö европаса хариус. Тшöкыда паныдасьлö обыкновенной кельчи, обыкновенной ёкыш (*Perca fluviatilis*), обыкновенной йөрш (*Gymnocephalus cernuus*). Юкöд йитчöm уна ю-тыын, кутшöмьяс меститчöмаöсь уйтьясын (уйтьясын юкöд йитчöm тыяс, курьяяс, важ ю сёртасыс), олö зарни рöма гыч.

Войвывса чери овмöс нуöдан ковтысын чери кыян правилöяс серти (Россияса видз-му овмöс министерстволөн 2014 во йирым тöлысь 30 лунся 414 №-а тшöктöд) Лымва юын кульмö атлантической чими, кодöс пыртöма Зверпöткалөн лыддьöгö (списокö), кодьяслөн вөр-ваын олöm бөрся колö торйөн видзöдны да кодьясöс вöзйöма босьтны биология боксянь дöзьөр улö, мый вынсьöдöма Коми Республикаса вөр-ва озырлун да гөгортас видзан министерстволөн 2019 во рака тöлысь 27 лунся 498 №-а тшöктöдөн (4 №-а содтöд).

Лымва юлөн ковтысын быдмö уна сикас быдмög. Сылы лöсьлö нитшка-роя, нитшка, керча-нитшка козья-пожöма (*Picea obovata-ысь* да *Pinus sylvestris-ысь*) да пожöма вөрьяс (*Pinus sylvestris-ысь*) туруна кыддза расьяс, пу да кустьяс ногөн быдмысь баддяиньяс, вылыс да улыс тшупöдьяса ойдлан видзьяс. Заказникын пасйöма сосудистой быдмөгьяслысь 243 сикас да нитшлысь 76 сикас. Заказниклөн фаунаын арталöны сьöма бордаяса

булавоусойяслысь 40 сикас, съёма бордаяса высшйй разноусойяслысь 200 сикас да юрсигуслысь 30 унджык сикас. Тани пасйёма Коми Республикаса гөрд небөгө пырём (2019) сикасыяссө: мича сера бобув (*Saturnia pavonia*), кузь ныра бобув (*Laothoe amurensis*). Юрсигуслысь (*Libellula depressa*) пыртёма Зверпөткалөн лыддьөгө (списокө), кодъяслөн вөр-ваын олөм бөрся колө торйөн видзөдны да кодъясөс вөзйёма босытны биология боксянь дөзьөр улө, мый вынсьөдөма Коми Республикаса вөр-ва озырлун да гөгөртас видзан министерстволөн 2019 во рака төлысь 27 лунся 498 №-а тшөктөдөн (4 №-а содтөд).

Заказникын олө лэбачьяслөн 70 сикас. Пасйёма ичөт млекопитающййяслысь (гут-гаг сёйысыяслысь да гыжгуньяслысь) 20-22 сикас. Лымва ю йылын олөны европаса анча (*Mustela lutreola*) да көр (*Rangifer tarandus*), кодъясөс пыртёма Коми Республикаса гөрд небөгө (2019).

## 6. Заказник торйөн ёна видзан режим

6.1. Заказникын оз позь нуөдны удж, мый мунөны паныд сййөс лөсьөдан медшөр могьяслы либө мый вөчө лектор заказниклөн вөр-ва комплексьяслы да (либө) сылөн компонентьяслы сы лыдын:

1) капитальнөя стрөитан объектъяс стрөитөм;

2) линейнөй объектъяс стрөитөм, тайө Положениелөн 6.2 пунктын индөм случайяс кындзи;

3) вөр пуктасьяс кералөм, санитарно-оздоровительнөй мероприятияяс, пөжарысь видзчысьөмсө могмөдан мероприятияяс нуөдигөн кералөмьяс, кварталнөй прөсекаяс, визирьяс кералөм, весалөм, туйяс, кутшөмьяс эмөсь, видзөм могысь кералөмьяс, а сідзжө вөчны позяна удж сикасыяскөд йитчөм мукөд кералөм кындзи;

4) вөр бурмөдөм вөр культураяс лөсьөдөмөн, вөр участокьясын, көні вөр пуктасьясыс кулөмаөсь либө тшыкөмаөсь пөжарьяс, лөк организмьяслөн төдчөм вөсна, а сідзжө вөр участокьясын вөр бурмөдөм кындзи, көні санитарнөй могьясын нуөдісны өтпомся кералөмьяс;

5) древесина да живица заптөм;

6) абу пуа вөр ресурсьяс, вөрса сёян-юан да бурдөдан быдмөгьяс заптөм да чукөртөм, индөм ресурсьяссө да быдмөгьяссө гражданаөн асланыс могьяс вылө заптөм да чукөртөм кындзи;

7) геологическөй, ботанической, зоологическөй да мукөд коллекция чукөртөм, наука-туялан могьясын найөс чукөртөм кындзи заказникөн

веськӧдлан органкӧд сӧгласуйтӧмӧн;

8) муяс бурмӧдӧм да гӧрӧм;

9) турун ытшкӧм, скӧт йирсьӧдӧм та вылӧ торйӧдӧм местаясысь бокин, налы гоҗся лагерьяс да ваннаяс лӧсьӧдӧм;

10) прӧмыслӧвӧя кыйсьӧм да промышленнӧя чери кыйӧм;

11) туйясысь, кутшӧмьяс эмӧсь, да торйӧн индӧм местаясысь бокин механизируйтӧм транспортлӧн ветлӧм да сулалӧм (заказник видзӧм серти мероприятиеяс, а сӧдзжӧ вӧр-ва комплексьяс да объектьяс видзӧм да бӧр лӧсьӧдӧм серти мероприятиеяс нуӧдӧмкӧд йитчӧм случайяс кындзи), механической транспорт средствояс кындзи, кодьяс ветлӧдлӧны да сулалӧны тӧвнас, кор усьӧма лым сӧк, кор оз лӧдзны му эжӧд, быдмӧгьяс да вӧр пуктасьяс жугӧдӧмсӧ;

12) туясян (корсьысян, геофизической, геологоразведочной) уджьяс, муывса механизируйтӧм средствоясӧн вӧдитчӧмкӧд да му эжӧд да быдмӧгьяс торкалӧмкӧд абу йитчӧм уджьяс кындзи;

13) разведка да мупытшса озырлун перйӧм;

14) химия препаратьяс да мувердас видзӧм да наӧн вӧдитчӧм;

15) заказниклысь мутас ӕгӧсьтӧм да нйитчӧдӧм, а сӧдзжӧ производство да потребление шыбласьяс меститӧм (видзӧм да гуалӧм), ортсӧ лӧдзан ва нуӧдӧм;

16) му эжӧд да быдмӧгьяс торкалӧм, вӧчны позяна удж сикасыс збыльмӧдан случайяс кындзи;

17) позьяс да горсьяс жугӧдӧм;

18) аншлагьяс, шлагбаумьяс, стендьяс, мудор петкӧдлысь сюрьяс, мукӧд юӧртан пас да индалысь, экологической ордымьясса да шойччан местаясса оборудование бырӧдӧм да торкӧм, пуяс вылын гижалӧм да пасьяс вӧчӧм.

6.2. Заказниклӧн мутасын позьӧ:

1) котыртны да нуӧдны вӧр овмӧс да нуӧдны вӧрьясын пӧжарысь да санитарной боксянь видзчысьӧмсӧ могмӧдӧм серти мероприятиеяс вӧр йитӧдьяс ладмӧдан юкӧнын оланпастӧчасӧн урчитӧм пӧрадокин тайӧ Положениелӧн 6.1 пунктса корӧмьяс тӧд вылӧ босьтӧмӧн;

2) нуӧдны наука-туялан уджьяс заказникӧн веськӧдлысь органкӧд сӧгласуйтӧмӧн;

3) кыйсьыны любительской да спортивной оланпастӧчасӧн урчитӧм пӧрадокин;

4) кыйны чери любительской да спортивной оланпасӧн урчитӧм

пöрадокын;

5) стрöитны, выльмöдны, уджöдны линейной объектъяс сэж, кор найöс меститны мöд позянлуныс абу, а сідзжö заказник уджöдöмсö мoгмöдöм мoгысь, заказникöн веськöдлан органкöд сöгласуйтöмөн;

6) капитальнöя дзоньтавны линейной объектъяс заказникöн веськöдлан органкöд сöгласуйтöмөн;

7) стрöитны абу капитальной стрöйбаяс да сооружениеяс, мыйяс йитчöмаöсь вöчны позяна удж сикасьяс збыльмöдöмкöд;

8) овмöс да мукöд удж нуöдан мöд сикасьяс, мыйысь абу öлöдöма вөр-ваён вöдитчан да гөгöртас видзан юкöнын оланпастэчасөн да тайö Положениеөн, оланпастэчасөн урчитöм пöрадокын.

## 7. Бöртас

7.1. Заказниксö, сы лыдын сылөн мутасын меститчысь вөр-ва комплексъяссö да налысь компонентъяссö, видзöны вөр-ваён вöдитчан да гөгöртас видзан юкöнын оланпастэчас серти.

7.2. Заказниклөн вөр-ва комплексъяслы да налөн компонентъяслы лектор вöчан грöз артмöм дырйи сылөн мутасын вöчны позяна удж сикасьяссö дзескöдöны, недыр кад кeжлö дугöдöны либö дугöдöны оланпастэчасөн урчитöм пöрадокын.

7.3. Заказниклысь мутассö места вылын индöны öлöдан да юöртан пасьяс сувтöдöмөн, а сідзжö торйöдöны тематической картография материалъяс вылын.

7.4. Заказниклөн вөр-ва комплексъяслы либö налөн компонентъяслы вöчöм лекторсö колö вештыны Россия Федерацияса оланпастэчас серти.

7.5. Йöзöс, кодъяс мыжаöсь заказник торйөн ёна видзан урчитöм режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйөн ёна видзан урчитöм режимлөн уджалöм да сійöс мoгмöдöм серти мероприятиеяс збыльмöдсьöны Коми Республикаса республиканской сьöмкуд сьöм да оланпастэчасөн абу öлöдöм мукöд öшмöс тшöт весьтö.

---

Пасйöд. Меститчанінсö опишитöма Шойнатыса лесничестволөн 2013 вося вөр овмöс котыртан да нуöдан материалъяс тöд вылö босьтöмөн.